



INATSISARTUNI

Partii Inuit
Randi Broberg

UPA 2014/176-1
23.4.2014

Pillugu: Meeqqat inuusuttullu 16-init 24-nut ukiullit annertuumik innarluutillit Kalaallit Nunaata avataani uninngagallartut ukiumut marloriarlutik Kalaallit Nunaannut tikeraarluni angalanermut pisinnaatitaaffeqassasut erseqqissaavigeqqullugu qulakkeerneaqqullugulu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq / Medlem af Inatsisartut Agathe Fontain, Inuit Ataqtigiit)

Partii Inuit maluginiarparput siunnersuummi ujartorneqartut, Inatsisip Nalunaarutitaani oqaaseqatigiit aaqqiivigineqarsimasut.

Kiisalu annertuumik innarluutillit sullinneqarnerisa ingerlatseqatigiiffinnut (kommunenut) nuunneqarnerata nalilersuivigineqarnera aallartereersoq, 2014'illu ingerlanerani saqqummiunneqartussaassasoq.

Partii Inuit immikkut pingaartillugu eqqaarusupparput, annertuumik innarluutilittatta DK'imut inissinneqartarnerat assut illersoruminaatsikkatsigu, makku peqqutigalugit;

- a) annertuumik innarluutillit pisinnaatitaaffimmikkut innarlerneqartarmata,
- b) ukiumut aningaasarpasuit tassani atorneqartartut uagutsinnit inuiaqatigiittut pissarsiviuneri annikimmat, taamalu DK'imut inissillugit aaqqeeraatsip qimakkiartornissaanut aqqutissiuinngimmat.

Tassami annertuumik innarluutilittatsinnik sullissisinnaanerpup, tassuunakkut ineriartortinneqanngilaq, sullissisinnaanitta tungaatigut misilittagaqaleriartornissaagaluarput pinngitsoortinneqarmat.

- c) Akisussaaffimmik qimarratiginninneq akuersarneqarsinnaanngimmat.

Partii Inuit naggataagut Naalakkersuisoq kaammattussavarput, siunissami annertuumik innarluutilittatsinnik kiffartuussinerput sullissinerpullu qaffassarniarlugu iliuusissatut pilersaarummik saqqummiussisinaanissaq siunertaralugu, suliniuteqartoqalernissaa.